

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva zdravstva, Vlada Zeničko-dobojskog kantona, na 81. sjednici, održanoj 16.05.2025. godine, d o n o s i

ZAKLJUČAK

I.

Daje se saglasnost dr Aidi Salčinović, ministrici Ministarstva zdravstva za potpisivanje Sporazuma o zajedničkom finansiranju Projekta rekonstrukcije ambulante porodične medicine u naselju Tešanjka, općina Tešanj, između Ministarstva zdravstva, Općine Tešanj i JZU Dom zdravlja „Izudin Mulabećirović-Izo“ Tešanj, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/25
Datum, 16.05.2025. godine
Zenica

PREMIJER

Nezir Pivić

DOSTAVLJENO

1x Ministarstvo zdravstva,
1x Ministarstvo finansija,
1x Općina Tešanj, putem Ministarstva,
1x JZU Dom zdravlja „Izudin Mulabećirović-Izo“ Tešanj,
putem Ministarstva,
1x a/a.

SPORAZUM
o zajedničkom finansiranju Projekta rekonstrukcije ambulante porodične medicine u naselju
Tešanjka, općina Tešanj

Sporazum o zajedničkom finansiranju Projekta rekonstrukcije ambulante porodične medicine u naselju Tešanjka, općina Tešanj potpisan između:

1. **Ministarstva zdravstva Zeničko-dobojskog kantona**, ID broj: 4218336060001 (u daljem tekstu: Ministarstvo zdravstva) kojeg zastupa **ministrica dr Aida Salčinović**,
2. **Općine Tešanj**, ID broj: 4218328550008, koju zastupa **općinski načelnik mr. Sc. Suad Huskić i**
3. **JZU Dom zdravlja „Izudin Mulabećirović-Izo“ Tešanj**, ID broj: 4218033750005 koju zastupa **direktorica Fejzić dr Mersiha, specijalista pedijatar**.

Član 1.

Ovim Sporazumom strane potpisnice se obavezuju da će zajednički učestvovati u finansiranju Projekta rekonstrukcije ambulante porodične medicine u naselju Tešanjka, općina Tešanj (u daljem tekstu: Projekat) u cilju unapređenja pružanja zdravstvenih usluga primarne zdravstvene zaštite.

Član 2.

Strane potpisnice Sporazuma saglasne su da rekonstrukcija ambulante porodične medicine u naselju Tešanjka obuhvata: zamjenu krova, izradu fasade, limarske radove (oluci), ugrdnju lifta i unutrašnje uređenje postojećeg prostora koje obuhvata zamjenu stolarije, adaptaciju mokrog čvora, zamjenu keamičkih podnih i zidnih pločica i krečenje.

Član 3.

Procijenjena vrijednost rekonstrukcije amulante porodične medicine u naselju Tešanjka iznosi 182.500,00 KM sa PDV-om, od čega će Ministarstvo zdravstva učestvovati sa 58,6 %, ili 107.000,00 KM, Općina Tešanj sa 27,4 % ili 50.000,00 KM i JZU Dom zdravlja „Izudin Mulabećirović-Izo“ Tešanj sa 14,0% ili 25.500,00 KM.

Član 4.

JZU Dom zdravlja „Izudin Mulabećirović-Izo“ Tešanj je nosilac aktivnosti na pripremi tenderske dokumentacije i provođenja postupka javne nabavke u skladu sa Zakonom o javnim nabavkama („Sl. glasnik BiH“, broj: 39/14 i 59/22) i odgovorna je za dokumentaciju vezanu za nabavku građevinskih radova i zakonitost provođenja postupka javne nabavke u skladu Zakonom o javnim nabavkama.

Član 5.

JZU Dom zdravlja „Izudin Mulabećirović-Izo“ Tešanj obavezna je Ministarstvu zdravstva i Općini Tešanj dostaviti Ugovor o izvođenju radova koji će zaključiti sa izabranim ponuđačem u roku od 7 dana od dana potpisivanja navedenog ugovora.

Član 6.

Ukoliko nakon provedenog postupka javne nabavke ugovoreni iznos bude manji od iznosa iz člana 3. ovog Sporazuma, učešće u zajedničkom finansiranju Projekta će se procentualno umanjiti srazmjerno učešću u finansiranju iz člana 3. ovog Sporazuma, a što će biti regulisano aneksom ovog Sporazuma.

Član 7.

Ukoliko se za realizaciju Projekta obezbjede sredstva iz drugih izvora (Budžet Federacije BiH ili drugih institucija i fondova), JU Dom zdravlja „Izudin Mulabećirović-Izo“ Tešanj obavezna je obavijestiti Ministarstvo zdravstva i Općinu Tešanj o visini dodatno odobrenih sredstava, a učešće u zajedničkom finansiranju Projekta će se procentualno umanjiti srazmjerno učešću u finansiranju iz člana 3. ovog Sporazuma, a što će biti regulisano aneksom ovog Sporazuma.

Član 8.

U skladu sa Odlukom Vlade Kantona broj: 02-11-6834/25 od 04.04.2025. godine kojom je usvojen Program utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2025. godinu u tački VI-Kriteriji za raspodjelu sredstava pod rednim brojem 3. - Građevinski radovi na izgradnji i adaptaciji domova zdravlja, alineja b) Rekonstrukcije ambulante porodične medicine u naselju Tešanjka planirana su sredstva u iznosu 107.000,00 KM.

Član 9.

Za finansiranje Projekta, Općina Tešanj je u Budžetu Općine Tešanj za 2025. godinu obezbjedila sredstva u iznosu 50.000,00 KM.

Za finansiranje Projekta, JU Dom zdravlja „Izudin Mulabećirović-Izo“ Tešanj će iz vlastitih sredstava u 2025. godini obezbjediti sredstva u iznosu 15.500,00 KM a u 2026. godini sredstva u iznosu 10.500,00 KM.

Član 10.

Nakon potpisivanja ovog Sporazuma, Vlada Kantona će u skladu sa tačkom VI 3.b). Programa utroška sredstava planiranih u Budžetu Zeničko-dobojskog kantona za 2025. godinu na poziciji „Kapitalni transferi drugim nivoima vlasti - za zdravstvo“ - Izvor 10, broj: 02-11-6834/25 od 04.04.2025. godine, donijeti posebnu Odluku o odobravanju sredstava JU Dom zdravlja „Izudin Mulabećirović-Izo“ Tešanj u iznosu 107.000,00 KM, kojom će biti definisana dinamika transferisanja sredstava JZU Dom zdravlja „Izudin Mulabećirović-Izo“ Tešanj i način pravljanja namjenskog utroška odobrenih sredstava.

Član 11.

JZU Dom zdravlja „Izudin Mulabećirović-Izo“ Tešanj obavezna je Ministarstvu zdravstva i Općini Tešanj dostaviti poseban izvještaj o statusu Projekta na dan 31.12.2025. godine i namjenskom utrošku odobrenih sredstava u 2025. godini.

Član 12.

Strane potpisnice su saglasne da sve eventualne sporove rješavaju dogovorno, uz uvažavanje interesa potpisnica ovog Sporazuma.

Član 13.

Ovaj Sporazum je sačinjen u šest istovjetnih primjeraka od kojih svaka sporazumna strana zadržava po dva primjerka Sporazuma.

Član 14.

Sporazum stupa na snagu danom potpisivanja od strane sve tri potpisnice Sporazuma.

ZENIČKO-DOBOJSKI KANTON
MINISTARSTVO ZDRAVSTVA
MINISTRICA
dr Aida Salčinović

Broj:
Datum,

OPĆINA TEŠANJ
Općinski načelnik

mr. Sc. Suad Huskić

Broj:
Datum,

JZU DOM ZDRAVLJA „IZUDIN MULABEĆIROVIĆ-IZO“ TEŠANJ

DIREKTORICA

Fejzić dr Mersiha, specijalista pedijatar

Broj:
Datum,